

| | | |
|--|--|--|
| BOSNA I HERCEGOVINA FEDERACIJA BOSNE I HERCEGOVINE FEDERALNA UPRAVA ZA INSPEKCIJSKE POSLOVE | BOSNIA AND HERZEGOVINA FEDERATION OF BOSNIA AND HERZEGOVINA FEDERAL DEPARTMENT FOR INSPECTION AFFAIRS | БОСНА И ХЕРЦЕГОВИНА ФЕДЕРАЦИЈА БОСНЕ И ХЕРЦЕГОВИНЕ ФЕДЕРАЛНА УПРАВА ЗА ИНСПЕКЦИЈСКЕ ПОСЛОВЕ |
| Fehima efendije Čurčića br.6. 71000 Sarajevo | | Id broj: 4201159630005 |

Broj: 01-11-10-05386-9/2022
Sarajevo, 7.12.2022. godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, br. 39/14 i 59/22), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke broj 01-11-10-05386-8/2022 od 5.12.2022. godine, Direktor Federalne uprave za inspeksijske poslove, u ime ugovornog organa donosi

ODLUKU

o izboru najpovoljnijeg ponuđača i dodjeli ugovora

Član 1.

Prihvata se preporuka Komisije za javne nabavke uprave broj 01-11-10-05386-8/2022 od 5.12.2022. godine, te se ugovor o javnoj nabavci roba-informatička oprema (lot 2) po provedenom postupku konkurentskog zahtjeva za dostavljanje ponuda uz primjenu e-aukcije dodjeljuje ponuđaču „Kamer Commerce“ d.o.o. Sarajevo, čija ponuda broj 871/22 od 21.11.2022. godine je ocijenjena najpovoljnijom.

Ugovor sa ponuđačem „Kamer Commerce“ d.o.o. Sarajevo, zaključit će se pod slijedećim uslovima:

- ukupna cijena bez PDV a 26.992,00 KM bez uračunatog PDV a, odnosno 31.580,65 KM sa PDV-om
 - rok isporuke roba: najkasnije do 31.12.2022. godine na adresu Federalne uprave za inspeksijske poslove u Sarajevu, Fehima ef. Čurčića broj 6, 71000 Sarajevo
 - garantni rokovi ponuđenih roba definisani su u tehničkim specifikacijama ponuđenih roba
- rok i način plaćanja: plaćanje će ugovorni organ izvršiti najkasnije u roku od 30 (trideset) dana od dana prijema fakture.

Član 2.

Izabrani ponuđač iz člana 1. odluke je dužan u roku od 5 (pet) dana od dana prijema ove odluke dostaviti ugovornom organu dokaze zaliječene članom 45. Zakona o javnim nabavkama i t. 3.4. i 3.10. tenderske dokumentacije, kojim potvrđuje da:

- a) u krivičnom postupku nije osuđen pravosnažnom presudom za krivična djela organizovanog kriminala, korupcije, prevare ili pranja novca, u skladu sa važećim propisima u Bosni i Hercegovini ili zemlji u kojoj je registrovan;
- b) nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu sa važećim propisima u Bosni i Hercegovini ili zemlji u kojoj je registrovan;
- c) je ispunio obaveze u vezi sa plaćanjem penzijskog i invalidskog osiguranja i zdravstvenog osiguranja, u skladu sa važećim propisima u Bosni i Hercegovini ili propisima zemlje u kojoj je registrovan;
- d) je ispunio obaveze u vezi sa plaćanjem direktnih i indirektnih poreza, u skladu sa važećim propisima u Bosni i Hercegovini ili zemlji u kojoj je registrovan.
- e) dokaz koji potvrđuje da ponuđač ispunjava uvjet da je/su njegov/i transakcijski račun/i aktivan/i.

(2) Dokazi iz stava (1) ovog člana se dostavljaju kao original ili ovjerena kopija i moraju sadržavati potvrdu da je ponuđač u momentu predaje ponude ispunjavao uslove na koje se odnose isti, te će u

slučaju da u ostavljenom roku ne dostavi tražene dokaze ili iste ne dostavi na način i u formi kako je to traženo ovim članom biti isključen iz daljeg učešća u postupku zbog neispunjavanja uslova za kvalifikaciju.

Član 3.

Ova odluka će se objaviti na web stranici Federalne uprave za inspekcijske poslove.

O b j a v l j e n j e

Na osnovu odluke direktora Federalne uprave za inspekcijske poslove broj 01-11-10-05386/2022 od 7.10.2022. godine pokrenut je postupak konkurentskog zahijeva za dostavljanje ponuda uz primjenu e-aukcije za nabavku roba računarska oprema i potrošnine za potrebe Federalne uprave za inspekcijske poslove. Predmetna nabavka je utvrđena Planom nabavki uprave za 2022. godinu, robe-redni broj 12, a procijenjena vrijednost nabavke je 33.000,00 KM bez uračunatog PDV-a, od čega za lot 1. procijenjena vrijednost je 6.000,00 KM, a za lot 2. koji je predmet ove odluke procijenjena vrijednost iznosi 27.000,00 KM bez uračunatog PDV-a.

Dana 7.11.2022. godine na Portalu javnih nabavki BiH je objavljeno obavještenje o nabavci predmetnih roba, broj obavještenja 1292-7-1-28-3-23/22. Postupak otvaranja blagovremeno pristiglih ponuda je proveden 22.11.2022. godine sa početkom u 12,15 sati.

Prilikom otvaranja ponuda utvrđeno je da su blagovremeno pristigle 3 ponude, izvršeno je čitanje obaveznih elemenata ponuda kako je to propisano Zakonom o javnim nabavkama, te je konstatovano da su ponudaci predmetne robe ponudili po cijenama prikazanim u narednoj tabeli:

| Naziv/ime ponudaca | Kovrta ispravno zat. i potp. ili opečaćena | Ukupna cijena ponude (bez popusta) | Ponudni |
|----------------------------------|--|------------------------------------|---------|
| "ALF-OM" d.o.o. Banja Luka | Da | 26.955,00 KM | Ne |
| "Kamer Commerce" d.o.o. Sarajevo | Da | 26.992,00 KM | Ne |
| "Inter-Com" d.o.o. Zenica | Da | 27.000,00 KM | Ne |

Nisu konstatovane neblagovremene ponude.

Zapisnik sa otvaranja ponuda je odmah putem pošte upućen na adresu ponudaca koji su dostavili ponude.

Komisija je izvršila provjeru kompletnosti i ispravnosti ponuda, na način da su provjeravani način uvezivanja, primjena propisane forme dokumentata koji su sastavni dio ponuda, validnost ponuda, potpis ponuda i ovdjera istih, te je izvršen pregled i provjera garancija, obrazaca i drugih dokumenata.

U daljem toku postupka, izvršen je uvid u ponude u dijelu koji se odnosi na tehničke specifikacije roba koje su zahitjevene tenderskom dokumentacijom i provjerom da li robe koje su ponudaci ponudili odgovaraju zahitjevima postavljenim u tenderskoj dokumentaciji. S tim u vezi, konstatovano je da robe koje je ponudio ponudac "ALF-OM" d.o.o. Banja Luka za stavku pod rednim brojem 1. "Printer minimalnih tehničkih karakteristika ili bolji" ne odgovaraju zahitjevu postavljenom u tehničkoj specifikaciji koji se odnosi na procesor printera, jer je u tehničkoj specifikaciji postavljen zahtjev: procesor printera min. 1400 MHz, dok je navedeni ponudac ponudio robe sa procesorom od 1,2 GHz (odnosno 1200MHz).

Komisija je vezano za navedeno pitanje zauzela jednoglasan stav da se ponuda ponudaca "ALF-OM" d.o.o. Banja Luka, shodno odredbi člana 68. st. (4) t. i) treba odbaciti, jer ne ispunjava postavljene zahtjeve iz tenderske dokumentacije.

Izvršena je provjera računске ispravnosti dostavljenih ponuda, te tom prilikom nisu utvrđene računске greške u preostale dvije ponude.

Postupak e-aukcije je održan dana 1.12.2022. godine sa početkom u 12,00 sati, shodno odredbama Pravilnika o uslovima i načinu korištenja e-aukcije ("Službeni glasnik BiH", broj 66/16).

Uvidom u izvještaj o toku i završetku e-aukcije je utvrđeno da nije bilo podnošenja novih ponuda, odnosno da su ponudaci ostali kod svojih početnih ponuda.

Uzimajući u obzir naprijed navedeno, konačni poredak ponuda je:

| Naziv /ime ponuđača | Cijena sa otvaranja ponuda (bez PDV-a) | Suštinski odgovarajuća ponuda (DA/NE) | Evaluirana cijena (bez PDV-a KM) | Rang |
|----------------------------------|--|---------------------------------------|----------------------------------|------|
| „Kamer commerce“ d.o.o. Sarajevo | 26.992,00 KM | DA | 26.992,00 KM | I |
| „Inter-Com“ d.o.o. Zenica | 27.000,00 KM | DA | 27.000,00 KM | II |

Kriterij za dodjelu ugovora je najniža cijena ponude.

U daljem toku postupka najpovoljnija ponuda je razmatrana sa aspekta prihvatljivosti ponuđene cijene. Ocijenjeno je da su ponuđene cijene prihvatljive, te da je i ukupna ponuđena cijena u okviru sredstava planiranih za predmetnu nabavku. Slijedom svega naprijed navedenog, nisu nađeni niti formalni, niti suštinski razlozi za odbacivanje ponude.

Imajući u vidu sve istaknute okolnosti, komisija je sačinila preporuku broj 01-11-10-05386-8/2022 od 5.12.2022. godine, koju je dostavila direktoru uprave na razmatranje, a u kojoj je predloženo da se ugovor u skladu sa kriterijem najniža cijena tehnički zadovoljavajuće ponude dodijeli ponuđaču „Kamer Commerce“ d.o.o. Sarajevo.

Obzirom da navedeni ponuđač uz svoju ponudu nije dostavio potvrde/uvjerenja nadležnih organa iz kojih je vidljivo da ispunjava uvjete iz člana 45. ZJN iste je dužan dostaviti u roku od 5 dana od dana prijema ove odluke. Prednje se odnosi i na dokaze da je transakcijski račun ponuđača aktivan.

Prilikom razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 5 (pet) dana od dana prijema iste.



Dostaviti:

1. „ALF-OM“ d.o.o. Banja Luka, PJ Istočno Sarajevo, V. R. Putnika 38, 71123 I. Sarajevo
2. „Kamer Commerce“ d.o.o. Sarajevo, Blažujski drum 14, 71210 Ilidža-Sarajevo
3. „Inter-com“ d.o.o. Zenica, Vrandučka 71b, 72000 Zenica
4. Sektor za materijalno-finansijske poslove
5. Sektor za tehničku podršku i plansko-analitičke poslove
Komsija za javne nabavke (a/a).

